



सानसेयारि **“बड’सा”** ख्रीरालाइयाव
स्माजयारि जिज्जो लोब्बा थानाय रायथाय, बन्धाय,
स्ल’, स्ल’बाथा आरो दावबायारि थावनि, पार्क
बाइदिनि स्थाय लिरनाय लिखिदां हैथाय ठर/
सानसेयारि **“बड’सा”** ख्रीरालाइया सेबखानावै
फोसावगोन/
बड’सायाव लिखिदायानि हुडा खालाम,
“बड’सा” ख्री नौथां, जौ बयबो आंगो खालाम।

सानसेयारि बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 21 June, 2025 Kokrajhar, BTC, Assam ★ Vol.-35, Issue No.87 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

फरायसाफोर जौगाखां, गोरोबनाय आरो गावनो गाव आर्थिआव गसंथानो
हानाय भारत सोरजिनायाव गोसो होनांगौ: लक्ष्मन प्रसाद आचार्य

राइज्यो बैंगिरिया आइआइआइटी गुवाहाटीनि 7थि कनभकेसनआव बाहागो लादों

दिसपुर, 20 जुन: आसामनि
राइज्यो बैंगिरि लक्ष्मन प्रसाद
आचार्यआ आइआइआइटी-जि
के म्पासआव खु’फु’नाय
आइआइआइटीनि 7 थि
कनभकेसन हाबाफारियाव बाहागो
लानायखौ नुनो मोन्दों। बे
मेहरगोनां कनभकेसन
हाबाफारियाव राइज्यो बैंगिरिया
(□ 6 बिलाइआव)



बिष्णु राभा साननि मिरुआरि हाबाफारि
माखासे गुन गोनां सुबुंफोरनो माहारियारि
आरो राइज्योआरि थाखोनि बान्था गथायदों
कलागुरुआ अखांमाबादि गुवार आरो लैथोवादि गोथो रँगौथि
गोनां सुबुंफोरनि आरिमुगिरिमोन: ड॰ हिमन्त विश्व शर्मा

दिसपुर, 20 जुन : आसाम
सरकारनि हारिमुआरि परिक्रमा
बिफाननि बान्जायनायाव आरो
नलबारि जिल्ला खु’थाइनि
हेफाजाबआव दिनै नलबारिनि
सरकारि गर्डन गोर्जोसिन गेजेरारि
फरायसालिनि गेलेग्रा फोथारआव
खुनाय मिरु बिष्णु राभा सानआव
(□ 6 बिलाइआव)



दै बाना आरो हा खुरखानायनि जैनाखौ
सुत्तानो राइज्यो सरकारआ राहा लागासिनो
दड़ : पिजुस हाज’रिका

लखिमपुर, 20 जुन: लखिमपुरनि आमथला पानिगावनि माथावरि
बायनायनि सोमोन्दै एमपि एबा कंग्रेसनि आफादगिरि गौरब गगैआ
नंखाय आरो सोखारिथाव फोरमायथि होदों होन्ना मन्थि पिजुस
हाज’रिकाया अजद होनायखौ नुनो मोन्दों। गौरब गगैआ मोनसे रि
बान्दोखौनो बाइफलनाय माथावरि होन्ना मख’नानै राइजोफोरखौ
थायदों। माखासे बाहागोआव बायफलनाय माथावरिआ गुबै माथावरि
नडा बियो मोनसे रि बान्दोसो। मखनो गोनांदि, एमपिआ सङ्कबारव
समाजआरि बिजोडाव लखिमपुर जिल्लानि आमथला पानिगावआव
मोनसे माथावरि बायनायनि जाहोनाव गसै 10-12 गामिफोरा दै बानाजों
लोमसावजानानै दुखुथिया राइजोफोरा न’ गानानै राहा बादायाव थानांदों
होन्ना फोरमायदोमोन। मन्थि हाज’रिकाया दिनै बेनि सोमोन्दै समाजआरि
बिजोडाव गावनि बिबुंथिखौ लाखियो। (□ 6 बिलाइआव)

सरुपेटा-भबानिपुरआव बिष्णु राभा सान फालिदों



भबानिपुर, 20 जुन: सरुपेटा
मनि रल’रि फरायसालिनि
लांगोनायाव भबानिपुरनि नक्षत्र
क्लाबनि बान्जायनायाव आरो मनि
रल’रि फरायसालिनि
हेफाजाबआव दिनै सानसेनि
हाबाफारिजों बिष्णु राभा सान
फालिनाय जायो। सानसेनि

हाबाफारिजों खुंफुंजानाय बिष्णु
राभा सानआव गिबिसिनआवनो
बिष्णु प्रसाद राभानि सावगारियाव
मान बाडनाय हाबाफारिखौ बेखेवो
बरपेटा जिल्ला साहित्य सभानि
बारग’ आफादगिरि रामकृष्ण
तालुकदारआ। बेनि उनानो बिफां
फुलि गाइजेनो खौरंगिरि पल्लव

कलिता आरो मनि रल’रि
फरायसालिनि गोरायुं दिगन्त
कलिताआ। लोगोसे खुंफुंजानाय
बिष्णु प्रसाद राभानि देखेजों हारसिं
मोसानाय बादायलायनायखौ
बेखेवनानै होयो। भबानिपुर-
सरुपेटा जिल्ला परिषद बियाबनि
सोद्रोमा अरबिन्द बर्मनआ। बे
बादायलायनायाव बिस्थिनां
तालुकदारआ सेथि मासि, ट्रिस्टि
पाटकआ नैथि मासि आरो
अलिपिखा असमिया नाथआ
थामथि मासियाव देरहायो।
बेलासियाव भबानिपुरनि ब्रह्मपुत्र
क्लाबनि आफादगिरि रुबुल
कालिता आरो नेहाथारि सनजिव
सागर दासआ दैदेननाय गेवलां मेल
आरो बान्था रानाय हाबाफारियाव
आसाम प्रदेश युव कं ग्रेस
(□ 6 बिलाइआव)

कक्राझाराव कलागुरु बिष्णु
प्रसाद राभा सान फालिदों



कक्राझार, 20 जुन: कलागुरु बिष्णु प्रसाद राभानि 56 थि थैनाय जानजों
लोब्बा लाखिनानै दिनै गसै कक्राझार जिल्लायावनो मान होनानै रंगिना
संगिनानै कलागुरु बिष्णु प्रसाद राभा सान फालिनायखौ नुनो मोन्दों।
हारिमुवारि सामलाय बिफाननि बान्जायनायाव आरो कक्राझार जिल्ला
खुंथाइनि हेफाजाबआव कक्राझार बिगियान फरायसालिमा, गुरुदेव
कालिचरण ब्रह्म फरायसालिमा, तिपकाइ, पर्वतझरा आरो गसाइगाव
फरायसालिमाजों लोगोसे गसै मोन 5 मख’जाथाव जायगाफोरव लान्थियै
कलागुरु बिष्णु प्रसाद राभा सान (□ 6 बिलाइआव)

गिबि मन्थिआ मोब्लिब बिफाननि जागायजेनाय, जौगालु आरो मावफुंनयनि
गुबुन गुबुन बिथंजों फोसावजानाय ‘टाई एम्फियार’ बिजाबखौ बेखेवदों

आसामनो 2035 माइथायसिमाव 5,500 मेघा वाट
मोब्लिबनि गोनांथि जाहैगोन: गिबि मन्थि

दिसपुर, 20 जुन: आसामआव
थानाय 4 बोसोराव मोब्लिबनि
बाहायथिआ बोसोरारि गड़
हिसाबै 11 जौखोन्दोसिम बांबोदों।
सोर थाथाइआरि हाबाफारि,
खारखाना एबा सरासन्सा
सुबुंफोरनि जौगा थाखोनि जिड
खुंनाय राहाया सोमजिहोनाय
बेबायदि बाहायथिया थाबाय
थायोब्ला 2035 माइथायसिमाव
राइज्योनो सामफ्रोमबो 5,500 मेघा
वाट मोब्लिबनि गोनांथि जागोन।
बै समसिमहालागै आसामखौ
मोब्लिब दिहुनथाइनि बिथंजों



मोनसे गावनि आथिडाव गसंथानो
हानाय राइज्यो महरै गाइसन्तो
थाखाय आथिखालनि राइज्यो
सरकारआ नारा नाथा नाजानायखौ
जागायजेनबाय। आसाम मोब्लिब
रानसार बिफानआ गाइसन्नाय
रुपाथि मायथाइनि बोसोराव
(□ 6 बिलाइआव)

न्याय होनायखौ जोगाहोनायनि
थाखाय सान्जथाइ बांहोनायनि राहा

चिरां आरो बाक्सा
जिल्ला जोबथेसालियावे बेखेवनाय

21 जुन 2025

गाहाइ आलासि

ड॰ हिमन्त विश्व शर्मा
गिबि मन्थि, आसाम

श्री प्रमद बर’

गाहाइ मावफुं सोद्रोमा, बिटिआर

श्री रुपेस गवाला

मन्थि, आसामनि नख’र (जोबथेसालि, हम गार्ड
आरो राइज्योआरि खुंथाइ) बायदि बिफान

गेदेमाफोरनि नुजाथिनायाव

श्री उर्खाव गोरा ब्रह्म

मन्थि, आसामनि आखाइ इसान, दानाय-
लुनाय आरो एम्फौ फिसि बायदि बिफान

जिल्ला जोबथेसालि, चिरां

११:०० रिगा १२:३० रिगा

ओन्सोल

38

बिघा

मावबिथांखिनि

बेसेन

₹73

कौटि

गोहो

500

थाग्रासालि

जिल्ला जोबथेसालि, बाक्सा

११:३० रिगा १२:३० रिगा

ओन्सोल

30

बिघा

मावबिथांखिनि

बेसेन

₹54

कौटि

गोहो

500

थाग्रासालि

फोरमायथाइ आरो सुबुं फोनांजाब बिथोनगिरि मावख’, आसामजों फोसावजानाय

Connect with us @diprassam | dipr.assam.gov.in

सुजुगिरिनि खोलोम

दाव-अमा फिसिनानै बेदर-दावदैनि आंखाल फोलोमनो हानायनि रहा लानो हागौ

आबादयानो बर 'फोरनि थानानै थानायनि गिबि आरो गाहाइ लामा। आबादनि अनगायै सादा-बुसा मावनानै जाग्रा गामियारि बर 'फोर गुबुन जायखि-जाया मुलाम्फा गोनां खामानि-दामानि मावनानै रांखावरि आजिनो गोसो होनाय नुनो मोनबाय। आबादखौनो गुबै राहा महरै लायोब्लाबो गोबाडनो रांखान्थिनि आंखालाव गोनोखोयारि आदोबजौं सिगांलानो हाद्रायखै। अब्लाबो बर 'फोर आथिखालनि समाव-फालांगिरिनिफ्राय लानानै मोजां आदर्श आबादारिफोरबो दसै। फालांगिरिफोरनि बाश्राखौं राखाडबालानो मिथिंगायारि फुंखानिफ्राय मोन्नाय माखासे खाबु आरो देहानि बोलो बाहायनानै मावनायनि गेजेरजौं गामियारि रांखान्थिखौबो गुस्लायनाय लाबोनो हानाय जाबाय। गोबाडनो ना आरो हांसो-दाव आरो अमा फिसिनानै ओन्सोलाव गोनां जानाय ना-बेदरनि गोनांथिखौ सुफुंनो हानाय जाबायब्लाबो बेयो थोजासे जानो हायाखै। बेजौं लोगोसे गोबाडनो दावदै दिहुन्नायनि रहा-लामा लानानै गोबां मुलाम्फा जानोबो हादौं। मानोना दावदैनि आंखालखौ फार्मनि दावदैजौंसो सुफुंनाय जायो। बेखायनो बेसेनखौ नायनानै गोबां दावदै दिहुनग्राफोर लेयारजौं लोगोसे दाव देशि आरो हांसो फिसिनानैबो दावदै दिहुन्नो हायोब्ला जायगानि फार्मफोरानो जायगानि दावदैनि आंखालखौ सुफुंनो हागौ।

आथिखालनि समाव सुंदोब सम आरो एसेल' थुबिलजौं बाइदिसिना फिथाय-सामथायनि आबाद फार्म खालामनाय नुनो मोनहादौं जौनि गेजेरव। दासान्दि गुबुन हादतनि जौगा हरिनि बैग्रि आबाद खालामनानै गोबां मुलाम्फा मोन्नायबो नुनो मोनबाय। बेजौं लोगोसे ड्रागन फिथायनि आबाद खालामनानैबो गोबांथार आबादयारिफोर गोबां मुलाम्फा खालामनो हायो। सुबुंफोरा जायगानि फिथायफोरखौ जानो अहानानै गुबुन जायगा एबा हादतनि फिथायफोरनि फासै लुबैनाय थायो। बेफोरनि गेजेरव बैग्रि आरो ड्रागन फिथायाबो जाथोसे। मिबथिनो मोन्नाय बादिब्ला बैग्रि आरो ड्रागन आबादया मावनो गोब्राब जायैलाय फसल दिखानायावबो गोलैं आरो साहिदायाबो गोबां। लोगोसे बेसेनाबो गनायथाव जाहैयो। दावदै ,दाव ,फिथाय-सामथायनि गोनांथि आरो आंखाल सुफुंनो आरो गावनो गाव रांखान्थियारि बिथिडव गसंथानो हानायनि थाखाय सुबुंफोरा आथिखालनि समाव बाइदिसिना आबाद,फार्म गायसन्नानै थानानै थानायनि लामा मोन्दौं। दाव-अमा फिसिनाय बादिनो मुलाम्फाखौ नोजोर होनानै जौनि आबादयारिफोरबो बोस्मानि फार्म खुलियोब्ला गोबां मुलाम्फा फैनायनि मिजिं दड। मानोना बोस्मा फार्मफोर दडब्लाबो बेयो थोजासे नडा। फार्म गायसन्नो हायाब्लाबो न 'याव दाव-हांसो,अमा फिसिनाय बादिनो बोस्माबो फिसिनो लायोब्ला मुलाम्फाया आरोबाव बांनायनि मिजिं थायो। बोस्मानि थाखाय न 'याव फिसिनाय मोसौफोरजौंनो जयै गुमजाबनो एबा दान्दायाव होनानै बारि एबा फोथारफोरव खानो हायो। बेफोर थाखायबो जायगानि खुंथाया नोजोर लाखिनानै मदत होनायनि गोनांथि दड।

दिनैनि फान्जामुधि

राशि बाइदियै मुंनि गिबि हांखो

मेघ : अ ल	बृष : ऊ ब (उ ए इ)	मिथुन : क छ (ड घ)
कर्कट : ड ह	सिंह : म ट	कन्या : प ठ (ण ष)
तुला : त र	वृश्चिक : ब न	धनु : ध भ (ढ़ फ)
मकर : ख ज	कुम्भ : ग श (स)	मीन : द च (ख ञ झ)

मेघ:

मानिबा जाहोनाव दुखु-दाहा सैनानो हागौ। गोसो हमथानानै सोलिनांगोन।

बृष:

दिनैनि दिनआ सुखुखौ मोन्दानो हागोन। गोजोनै सम बारहोनो हागोन। मोजां सान।

मिथुन:

देहायाव सानाय-सुनाय बेराम सिखांनो हागौ। देहाखौ सांग्राडै लाखि।

कर्कट:

बहाबाफोर दावबायहैनो मोन्नो हागौ। गोसोखौ गोजोन मोनगोन। मोजां सान।

सिंह:

माबा मोनसे सुजुग-सुबिधा मोन्नो हागोन। बे राशिनि थाखाय गाहाम सान।

कन्या:

बे राखिनि थाखाय गाहाम सान। जेखि मावा सान्नाया जाफुंगोन। शुभ सान।

तुला:

दिनैनि दिनाव शुभ खामानि मावनो नाडा। अशुभ सान।

वृश्चिक:

नख र'आव गोजोन्नाय गैयै सोमजिनो हागौ। जेखि जाया गोसोखौ हमथा।

धनु:

जेबो जेना-जेंसि गैयै शान्तिyै थानो हागोन। जेखियानो मावा जौगानायखौ मोन्नो हागोन।

मकर:

बेफार फालांगि मावग्रानि थाखाय गाहाम सान। मुलाम्फा मोन्नो हागोन। गोजोन मोनगोन।

कुम्भ:

शुभ खामानिफोर मावनो गोनां दडबा मावनानै लानो हागोन। सान्नाया जाफुंगोन।

मीन:

सुथुर थानायफोर जोबखांलांगोन। जैरैबो गोजोन मोन्नो हागोन। मोजां सान।

हादतगिरि द्रौपदि मुर्मुआ 67 बोसोर आबुं जाबाय

गोदान दिल्ली, 20 जुन : हादतगिरि द्रौपदि मुर्मुआ 67 बोसोर आबुं जाबाय। बिनि जोनोमा 1958 माइथायनि दिनैनिसानावनो जादौंमोन। पिएम मदि आरो आफादगिरि माल्लिकार्जुन खरगेजौं लोगोसे माखासे दैदेनगिरिफोर हादतगिरि मुर्मु'नो जोनोम साननि हामब्लाइथि बाउदौं। हादतगिरिआ गावनि जोनोम सानखौ उत्तराखान्डआव

राजआ राजाखौ बुथारनाय केसआव सन्जय वर्मा मुंखौ नंखाय आइडि महरै बाहायदौं



गुवाहाटी, 20 जुन : मेघालय पुलिसा थानाय बृहस्पतिबारखालि खौरां होयोदि, सन्जय वर्मा मुड मोनसे नंखाय सिनायथि, जायखौ गाहाइ दायनिगिरि राज कुशवाहाआ इन्दुरनि फालांगिरि राजा रघुवन्शीखौ बुथारनायाव बाहायदौंमोन। सान्जा खासि हिल्सनि पुलिस एसपि भिवेक स्यमनि बायदिब्ला, सन्जय वर्मा मुंजौं रेजिस्टार मबाइल नाम्बारआ नंगुबैयाव राज कुशवाहानिनो। सन्जय वर्माआ टुकलारआव मोनसे सायख' जानाय मुंल'। बे नाम्बारा राजनिनो होन्ना राजआ गावनो रोखा खालामो। बिथाडा फोस्मायबावोदि, समन आरो राजनि गेजेरव 39 साननि गेजेरव 239 खेब कल हरलायदौं। पुलिसआ दासिमबो सनमनि गुबुन गंसे मबाइल फन आरो गुबुन मुवा-बेसादजौं लोगोसे गहेना फाथिरखौ नागिरासिनो दं। मख 'नो गोनांदि, मेघालय पुलिसनि जर'खा नायबिजिरा टीम (एसआइटि) नि नायबिजिरनायखौ दैदेनगासिनो दं आरो दासिमाव बिसोर इन्डराव सा 20 निखुइ बांसिन सुबुंफोरनाव जेरा सेबबाय। बेयाव सनम, राज कुशवाहानि नख 'रनि सोद्रोमा आरो रघुवन्शीनि प्लाइवुड फेक्ट्रीनि मावसुमा, सनमनि बिदाया दंफायो। पुलिस सुलुंनिफ्राय मिबथिनो मोननाय बायदिब्ला, सनम राज आरो बिसोरनि सा 3 लोगोफोरा इन्डरनि सुपार करिडर ओन्सोलनि गंसे रेस्ट्रुन्टआव गोब्राबै बुथारनो खैसार सादौं, जेराव बिसोर बे जाथायनि बिथांखि बानायनो थाखाय लोगो हमदौंमोन। आथिखालाव बिबानगिरिफोर रेस्ट्रुन्ट बिगोमाखौबो नायबिजिरासिनो दं।

आइएमडिआ माखासे राइज्योफोराव अखानि एलार्ट फोसावदौं

गोदान दिल्ली, 20 जुन: थांनाय सान्नेआव गेजेर, सोनाब अरो सान्जा भारतनि गिदिर बाहागोखौ गोखैयै क भार खालामग्रा खोला-सोनाब मौसुमि बोथोरआ फैगौ 2-3 सानाव दिल्ली, हारियाणा आरो पान्जाबनि माखासे बाहागोसिम सौहैनो हागौ। मौसुमि अखाजौं बिहारनि बांसिन बाहागोफोर आरो सा उत्तर प्रदेशआव सुबुंफोरनि जिउ खुंनाया गाज्रियै गोहोम गोर्लैदौं। सारअन्थाइ गावनायनि जाहोनाव सा 12 सुबुंफोरनि जिउ गोमादौं। बोथोर गाज्रि जानायनि जाहोनाव चौधरी चरण सिंहआ माहारियारि एयारपर्ट, लखनौनि गं 8 उरां जाहाजफोरा दावबायनो सम नांदौं। आइएमडिनि बादिब्ला, फैगौ 20 निफ्राय 25 जुननि गेजेराव हारियाणा, पान्जाब, चन्डिगड्, दिल्ली, हिमाचल प्रदेश, उत्तर प्रदेश, सान्जा राजस्थान, जम्मु-काश्मीर आरो लाद्दाखजौं लोगोसे सा-सोनाब भारतनि बांसिन बाहागोफोराव अखा हानो हागौ। मौसुमि बोथोरा 22 जुन सिमाव दिल्लीयाव सौहैनो हागौ। बृहस्पतिबारखालि



सान्जा बाहागोजौं लोगोसेनो गेजेर ओन्सोलफोरावबो माखासे जिल्लाफोराव अखा हाबाय थादौं। चन्दौली, मिरजापुर, प्रयागराज, देवरिया, गराकपुर आरो साखाथिनि जिल्लाफोराव गोबां अखा हागोननि सांग्राथि होनाय जादौं।

गोदान दिल्ली, 20 जुन: आहमेदाबादआव एयार इन्डियानि उरां जाहाज जाब्रबथाय जानायनि 1 सप्ताह उनाव नोगोरारि उरां जाहाज बिफानआ उरां जाहाज रैखाथिनि थाखाय एलखद सोमजि होग्रा फोसावदिंनि सायाव कन्टूलखौ गोखौंसिन खालामनो थाखाय गोदान नेम-खान्थि फोसावयो। बे नेम-खान्थिखौ 18 जुनआव फोसावदौंमोन आरो मावख'आरि राजपत्रआव



बाउहरो। बेनि अनगायै माल्लिकार्जुन खरगेआबो हादतगिरि द्रौपदि मुर्मुनो जोनोम

मणिपुरनि सोनाब इम्फलआव सा 2 उत्खारि ग्रेप्टार खालामदौं

इम्फल, 20 जुन : मोनसे मख 'जाथाव जाफुं'सारनायाव मणिपुरनि सोनाब इम्फल जिल्लायाव रैखाथि हान्जाफोरा गुबुन गुबुन आन्डार ग्राउन्ड हान्जानिफ्राय सासे आइजो आरो सासे हौवा बिग्रायारिखौ ग्रेप्टार खालामदौं आरो हाथियारफोरनि मोनसे गिदिर बाख्रि बोखांनो हादौं। ग्रेप्टार आरो बोखांनो हानाया गंथाम अरायथा नडै बिग्रायारिफोरनि बादायाव थांनाय 24 घन्टायाव गोथै सिग्रोमनाय अपारेशननि उनाव जादौं। पुलिसआ मिबथि होयोदि, मिरुयारि आरो राइजो पुलिसनि मोनसे जुथाइ हान्जाया सोनाब इम्फलआव फखनुं दालां आरो तामिलआव अपारेशनखौ जागायदौं। बे थांखि थानाय सिग्रोमनायनि जाहोनाव होबथाजानाय आफादफोरनि एक्टिभ सोद्रोमा महरै सिनायथि जानाय सानै सुबुंफोरखौ ग्रेप्टार खालामदौं। ग्रेप्टार खालाम जानाय बिग्रायारिया होबथा जानाय कांपकपि कम्प्युनिस्ट पार्टीनि फेइइजम चित्रप्पारि देभि, जायखौ लामंकपि इचन्तम्बी (24) बो बुंनाय जायो आरो होबथा जानाय इन्नाइटेड पिपुल्स पार्टी अफ कांलिपाक

उत्तराखान्डआवबो थागोन। बे समाव बियो माखासे जौगाखां हाबाफारिफोरनि अन्थाइ खाम्फा गायसनगोन आरो बेखेवगोनबो। बिथाडा हारिमायारि यगा सानआव पुलिसलाइन फोथाराव खुंनाय यगा हाबाफारियावबो बाहागो लागोन। गावनि जोनोम सानखौ बिथाडा राजपुर रडआव बानायनाय शिव मन्दिरआव पुजा

खालामनायजौं लोगोसे जागायो। थांनाय बोसोरनि जोनोम सानखौबो बिथाडा मन्दिराव भगवान जगन्नाथखौ दर्शन खालामनायजौं लोगोसे जागायदौंमोन। बियो सान्थामसिम देहरादुनआव थागोन। बे समाव बेयाव आर्टिकेल 163 सोलिगोन। बेयाव पुलिसआ सहरनि रैखाथिनिबो आबुडै बेब'स्था खालामना लाखिदौं।



(इउपिपिके) नि फेइइजम लालमहन सिंह, जायखौ इबइमा थई (33) नि मुंजौंबो मिबथिनाय जायो। जायगायाव सोंथि खालामनायाव जुथाइ हान्जाया मणिपुर सोनाब इम्फल

जिल्लानि सेकमाइ पुलिस थानानि सिडव थानाय हेइबंगल हाजोआव गोबां अनजिमानि हाथियारफोर बोखांनायजौं लोगोसे मोनसेबाव अपारेशन सालायदौं। पुलिसआ मिबथि

होयोदि, बोखांनो हानाय बेसादफोराव गंसे 303 राइफल मेगजिनजौं लोगोसे गंनै सिंगेल बेरल राइफल, थर 11 गोथां राउन्ड गुलि-बारुद बायदि बायदि दंफायो।

पुलिस थगायनायनि रांखान्थिखौ चीनआव दैथाइ हरग्रा हारिमायारि सिन्डिकेटखौ सोराडव लाबोदौं



गोदान दिल्ली, 20 जुन : खोला सोनाब जिल्ला पुलिस साइबार थगायनायनि हारिमायारि सिन्डिकेटखौ सोरांआव लाबोनानै सा 3 खैसार साग्राफोरखौ ग्रेप्टार खालामो। बियो हादतनि आलादा आलादा राइज्योफोरनि सुबुंफोरनिफ्राय थगायनाय रांखान्थिखौ क्रिप्टकारेन्सि इउएसडिटनि गेजेरजौं चीनआव दैथाइ हरगासिनो दंमोन। पुलिसा गेना-खान्थियाव बाहायनाय गं 6 स्मार्टफन बोखाडो। पुलिस डिपुटी कमिसनार अमित गयेलआ फोस्मायोदि, खैसार

साग्राफोरनि सिनायथिखौ राजस्ताननि जयपुरनि थागिबि महेन्द्र सिंह राजावत, आरिफ खान आरो लक्ष्मी नारायण वैश्य महरै होदौं। दायनिगिरिफोरा टेलिग्राम एपनि गेजेरजौं चीननि थगायग्राफोरजौं सोमोन्दो लाखिदौंमोन। बिसोर बावैसो सिगां दिल्लीनि सुबुंनिफ्राय 15 लाखनिखुइ बांसिन रां थगायदौंमोन। बिखौ अनलाइन टास्क होनानै थगायगासिनो दंमोन। जिल्लानि साइबार थाना पुलिसनो कान्त मुंनि भुगिनांग्राआ अजद दैखांदौंमोन। थगायग्राफोरा भुगिनांग्रानिफ्राय व्हासएप आरो

सिगाडाव माखासे सानसिम मुलाम्फाबो होयो। बेबायदिनो दायनिगिरिफोर बनिफ्राय 15.08 लाख रां थगायना लादौंमोन। आथिखालाव जाइ एकाउन्टफोरव थगायनायनि रांखान्थिखौ दैथाइहरदौं बेनि सोमोन्दै खौरां बुथुमनायाव नांथाबदौं होन्ना इन्स्पेक्टर प्रवेश कौशिकआ फोस्मायदौं। बिसोर राजस्ताननि आलादा आलादा जायगानिमोन। बेनि जाहोनाव पुलिसा जयपुर अजमेरजौं लोगोसे गुबुन जायगाफोराव सिग्रोमदौं। बे समाव महेन्द्र सिंह राजावत, आरिफ खान आरो लक्ष्मी नारायण वैश्यखौ ग्रेप्टार खालामो।

उरां जाहाज गाथोननि खाथिनिफ्राय बांद्राय गोजौ बिफां आरो न 'फोरखौ बोखारनाय जागोन



फोसावनायनि उनाव बेयो सोलिगोन। गोदान नेम फोसावनायनि उनाव उरां जाहाज गाथोनफोरनि खाथिनिफ्राय गोजौ न' आरो बिफां

गाथोन ओन्सोलफोराव सिमनानिखुइ जौसिन बिफां आरो न 'फोरनि हे'थायै नायबिजिरनो गोहो होनाय। बेखौ उरां जाहाज बिरनायाव जेना सोमजिनायनि जाहोनाव जानो गोनां जाब्रबथायखौ होबथानो थाखाय मोनसे थांखि महरै नोजोर होनाय जादौं। बे रादायनि गेजेरजौं थि खालामनाय गोजौंनि सिमनाखौ सिफायग्राफोरनो उरां जाहाज गाथोननि बिबानगिरिफोरनि गेजेरजौं

नटिस हरनो हागौ। बेनि 7 साननि गेजेराव बिगोमाफोरा उननि बिथांखिजौं लोगोसे गुवारे खौरां होनांगोन। बेराफासै, बे ने म-खान्थिफोरखौ फालियैफोरनि सायाव नायबिजिरनाय जागोन। बिबानगिरिफोरा बिगोमानो खौरां हरनायनि उनाव साननि समाव लागोनायाव हाबनायनि मोन्थाइ दड। बेयाव न' बिगोमाया गनायथि होयाब्ला बे केसखौ डिजिसिएनो दैथाय हरनो हागोन।

नोंथांडा मिथिगौ ना ? मा दाउआ 50 डिग्री दुंधायखौ गोजोनै सहायनो हायो आरो गंसे कार बायदि गोख्रैथिजों खारो

बावैसो सानफोराव सा भारतआव जानाय गिखंधाव दुं'हाव थासारि या खालि सुबुंफोरनि अनगायैबो जुनारफोर आरो दावफोरखौबो जेंनायाव खोख्लैनाय नुनो मोनो। बबेखानि मासे दाउ दं, जाय 45 डिग्रीनि दुंधायखौबो सहायनो हायो आरो बेखौ जेबो गोहोम खोख्लैनो हाया। बेयो बुहुमनि बयनिखुइबो देरसिन आरो गिलिरसिन दाव। बेखौ खालि दिल्ली जुनारसालिआवल ’ मोन्नाय जाया नाथाय हादरनि गोबां गुबुन जुनारसालिफोरावबो नुनो मोनो। बेखौ अस्ट्रिच बुंनाय जायो। बे मुलुगनि बयनिखुइबो देरसिन आरो गिलिरसिन दाव, जाय बिरनो हाया नाथाय बेयो गावनि गोख्रै खारनाय आरो रुजुजायै देहायारि आखुथायफोरनि थाखाय मुंदांखा। बे दाउखौ गुबैयै आफ्रिकानि बालाहामा आरो रानफुन्दा ओन्सोलफोराव मोन्नाय जायो, जेराव बिदुछ सरासनस्त्रायै 50 डिग्री सेल्सियाससिम सौहैयो। बे दाउआ गोरलैयैनो 5 डिग्री सेल्सियासनिफ्राय 45 डिग्री सेल्सियास एबा बनि बांसिन बिदुंनिफ्राय थानानै थानो हायो। बेबादि जोबोद दुंनायावबो मासे अस्ट्रिच दावआ गावनि देहायारि दाथाय, आखु आरो जायखिजाया थासारिजों गोरोबनो हानाय गोहोनि थाखाय गोजोनै थाना थायो। अस्ट्रिच दावनि गांफोरा गुरै, जाय



बिरनायनि थाखाय बाहायजथाव नछ नाथाय दुंधायनि बेरेखायै इन्सुलेशनआव हेफाजाब होयो। गांफोरा अस्ट्रिच दावनि बिगुरखौ थोंजों साननि सोरानिफ्राय रैखा खालामो। जेब्ला बेयो गावनि गांफोरखौ फ्लेप खालामो अब्ला बेयो गावनि देहानि सोरगिदिं बारनि बोहैथिखौ बांहोनानै मोनसे गुसु गोहोम सोमजिहोयो। अस्ट्रिचनि आर्थिआ गोलाव आरो गोरा, जाय हानि दुंनायनिफ्राय गोजानाव थानायाव मदत होयो। बेनि अनगायैबो बिसोरनि आर्थिनि बिगुरा गुसेब, जायजों दुंधाया गोरलैयै बारग'नो हायो। अस्ट्रिचआव गिदिर आरो खामानि गोनां संप्ल’ थायो, जाय देहानिफ्राय गुदुं बारखौ होखारनायाव मदत खालामो। बेनि अनगायैबो बिसोरो गावसोरनि हां लानायनि हारखौ बांहोनानै बांसिन अक्सिजेन लायो, जाय देहानि बिदुंखौ सामलायनायाव मदत खालामो। दैनि आंखाल जायोब्लाबो बिसोरो गावसोरनि देहानि देखौ

बिखौ बिदुछव गोबां सोलाय–सोल’ जानायखौ सहायनो मदत खालामो। बिगियानगिरिफोरा मोन्नो हादोंदि, अस्ट्रिच दावनि फोलेरा दुंधाय आरो गुसु मोन्नैखौबो सहायनो हायो नाथाय बे गोहोआ जिउनि गुबुन–गुबुन थाखोफोराव सोलायनो हागौ। अस्ट्रिचआ जोबोद दुं'नायखौ सहायनो हायोब्लाबो बिदुछव बांद्राय सोलाय–सोल’ जानाया बनि जोनोम होनो हनाय गोहोखौ गोहोम खोख्लैनो हागौ। बिदिन्थि बायदियै, मासे जो अस्ट्रिचआ जोबोद दुंहाव 40 जौखोन्दो बाछइ दावदै होनो हागौ। अस्ट्रिच दावआ घन्टासेआव 70 किल’मिटर गोख्रैथिजों खारनो हायो। बेयो अस्ट्रिच दावदैफोरा 6 इन्सिसिम गोलाव जानो हागौ आरो 1.5 किल'ग्रामसिम गिलिर जानो हागौ। मासे अस्ट्रिच दावनि गोहोआ सिंहबायदि गिदिर जाग्रा जुनारनि बेगेंफोरखौ सिफायनो हायो। अस्ट्रिच दावहा मोन्थाम मेगन खोबग्रा (आयलास) थायो, जाय बनि मेगनखौ बालाबारि बारहुंखानिफ्राय रैखा खालामो। बेयो 40–50 बोसोरसिम थानानै थानो हायो। बियो मोनसेल’ दाउ जायनि आथिछव मोन्नैल’ आसि थायो।□

आगाननि हांख्रानाय

हान्जा हान्जा फै बर’फोर बिमानि फुजायाव बयबो बावफै बिखानि गोथार थैखौ फै जोम–जोम फै बर’फोर बिखा फोर दान, फोरदान फै। आथिखालाव हाजासे नाजानायनि जेन्नाय देरहानाया, अराइ जिउनि थैनाय थानायाबो दै बायदि थास’ लाइनि। दागिसै सिलाइ दाहाल थुंग्रि लानायखौ। जिउ गैयै हामामै खुसि जिउयै मिनि खुसियै फै दावहायाव फै जिउयै माहामै देरहानो। जिउनि गाथोन सेराव फैब्ला बोहैलांगोन गाथोनजों ज़ि ज़ि गोजा जारौ थैया आगाननि थैया खा खा थालां नांगोन।

कितिस बसुमतारी
ला:सो:–पमुआ पथार
जिला– बागसा बि टि सि आसाम।

टंलानि सुपारि फालांगिरि नरत्तम जैननि गुदामनिफ्राय 60 बेग गय सुपारिफोरखौ खावना लांनायनि अजद

उदालगुरि, 20 जुन : हरनि खाबु लानानै गासै 15 लाख रंनि बांसिन गय सुपारि खावनानै लांनाय जाथाइआ सोराछाव फैदों। गोबाव समनि उनाव फिन उदालगुरि जिल्लानि सिछाव थानाय टंलाआव गय सुपारि सिखावनि उदखारआव फालांगियारिफोरआ जेंना–जेंसिजों मोगा–मोगि जानो गोनां जादों। मख'नो गोनांदि, चिच्विटिभि केमेरानि सेबखांनायखौबो गियालासेनो सिखावनि हान्जाया गासै 60 बेग गय सुपारिखौ टंलानि सुपारि फालांगिरि नरत्तम जैननि गुदामनिफ्राय खावनानै लांदों। टंला सोहोरआव थानाय गुदामनिफ्राय सिखावफोरआ साहस खालामनानै खावनानै लांनायखौ नुनो मोन्नानै आथिखालआव सांग्रां नोगोरारिफोरनि गेजेरआव सोमोनांनाय थासारि सोमजिदों। मिथिनो मोन्नाय बायदियै, 17 जुनखालि हर समआव अन केमेराआव टंला कुकुराकाटा रडआव थानाय नरत्तम जैन मुंनि फालांगिरिनि सुपारि गुदामनिफ्राय गंनै टाला सिफायना गासै 60 बेगनिफ्राय बांसिन गय सुपारिफोरखौ खावनानै लांदों। 17 जुनखालि हरनि 3:00 रिंगानि उनाव खावनाय जाथाया सोमजिदोंमोन। नाथाय बेनि सिगाछाव हरनि 1:00 रिगासोनिफ्राय गंसे सन्देह' गोनां सुइफ्ट गारिआ ओस्सोलआव थांलाय–फैलाय खालामबाय थादोंमोन। आथिखालआव फालांगिरिआ पुलिसनो लिरनाय अजद थिसनबाय। पुलिसआ बे जाथायखौ लानानै सिखावफोरखौ हमनो थाखाय नागिरसंनाय हाबाफारि लाबाय थादोंब्लाबो आथिखालआव जेबो खौरां मोन्नो हायाखै।□

सैया–सैया खालामो अनजालुआ आंखौ

नै अनजालु नों आंखौ गोजाननिफ्राय नुब्लानो, मानो एरा–एरा खालाम लाछे? मानिबा गोरोन्थि बुंफ्लांदों नामा आंलाय? ना माबाफोर दाय मावफ्लांदों नामा? दिनै नों आंखौ गारनानै, गुबुनखौ लानो सान्दों नामा? बिदिब्ला नों मानो आगोलाव आंखौ मोजां मोनामोन? दाना मानो सैया–सैया खालामखो? सानदोंमोन नामा नों आंखौ सान्नैसोनि, थाखायल’ मोजां मोनफ्लानो, आंखौ फागिलसो खालामनो सान्दोंमोन नामा नोंलाय अनजालु? आं नोंखौ थैनानै थांब्लाबो नोंनि, महरखौ बावनो हानाय नछ। आंनि थायनै मेगनाव नोंनि, महरा जेब्लाबो साया–माया गेले फैबाय थागोन अनजालु। दाखालामसै नों आंखौ सैया–सैया।

मुस्त्रिमा सबानि नाजारी कचुगाँव पाब्लिक गार्ल्स हाइ स्कुल भिलेज– नर्थ कचुगाँव दिस्त– कक्राझार।

रंजालिनि सिमां

नुदोंमोन आं मैयासो हर गेजेराव रंजालिनि सिमां, नाथाय गैया आंहा मोगथांआव, सासेबो गोरबोनि अनजालि। ’रंजालि नोंखौ मानो सोरांआव नुनो मोना मानो? हरनि उन्दुनाय समावल' नुजाफैयो मानो नों आंजों। गैया आंहा मोगथांआव नों बादि सासेबो अनजालि दछ गुबुनहा गाव गावनि असे नुयोबोला आं मालायनि रंजा बाजा। नाथाय गैया आंहा सासेबो अनजालि अनजालिनों मोगथांआव नुजाफैदो आंजों नों मोगथांआव गेले फैदो आंनि मोदेखौ नोंनो फुगारदो।

मसि रिनदाव बसुमतारी गासि– 12 नं भुम्का बिसिमसुरी जिल्ला– कक्राझार, बिटिसि।

रंजालि गथ’फोरनि सौरा

बावगारना थामै

बावगारना थामै आंगोखौ बावगारना थामै संसारनि माया बावगारना थामै सुखुनि मिनिनाय अबंलावरनि बोर हरनि सिमां, थारैनो आं गावखौनो बावगोमासै दुंहाव साननि दुंनाय लोरबां खालामो बुहुम बिखाखौ। गोसो आंनि बिरबायसै अखोरां सायाव मोनदांस’ हायि बोहैनाय निजोराजों बोहैलांफायो आंनि गोबों, हमदांनो हालिया आं दाउथु जरानि जुगुगु जुगुगु गाबनायजों रिनदाव रिनसि बिरथिला बायदों गोसो आंनि। सोर बबेनि मा मुं उदिस लानो आं गावखौनो मोनथिरोंआ अखांनि ना फाथालनि लुबैया आं सोंनो, बावगारना थामै आं गावनि महर मोनबो बाश्राखो आं लिरसै खन्थाइनि आबुं महराव फोरमायसै खन्थाइनि आबुं महरावनो। आं थारै जिउनि बबे दिगाव दं? बावगारना दं आं गावखौनो उदिस लानो गोहो गैलिआ आंहा, समजों खारफानो हायाखे आं आनदायनांदों लामा।।

मनिका गयारी गोदान देलहावसि, गहपुर,

बर’ समाजाव गुनजेर

बर’ समाजाव दिनै गुनजेर हाबबाय। बर’ समाजनि जाय मोनफ्रोम आयदाफारि बेफोर दा अफलेनानै गुनदै महर लानो बारा सम गैलिया। बर’ समाजाव बर’ फिसाफोरा दा सांग्रांयै गैया। खैफोदा बर’नि लांगोनायाव देलाय मालाय दा रंजा होसार होसार। बर’नि हारिमु दा गोफोनसै जिलांनो आरो सेवलांनो बारा सम नांला। बर’नि राव दा गोब्रासै गावनिखौ बावगारना गुबुननिखौ बजबनो गोब्राव नंलिया। समाजाव हारिखौ दैदेनलानो मोजां दैदेनगिरिनि आंखालसै। हारिया दा बुहुमाव गोमोरलांसै महरथिं आगान सुरह्वांबाय। शेवबो हारिया गुलाय गुजायसिनसो जादों। रावबो नोजोर होयाखै, गुबुनजों दा मिनिजासै, गुबुनजों दा मुगैजासै। मिथिखा नोंबो बर’सो गुबुन नछ नोंबो गुबुन हारिनि राव हारिमु बजबदोंब्लाबो, लाफानाय नछ बेसोर नोंखौबो।

सनिया बसुमतारी ककिला बनरगाव, बिस्वनाथ

बोथोरा सोलायनो हमदोंसै

गोजां बोथोरा थांलायबाय गोलोम बोथोरा फैलायबाय अनजालि मोननि गामियाव बो दसेनो अखा, दसेनो सान्दुं बोथोरा फोथायजाला बियो थगायसुला जाबाय मानसिफोराबो गावखौ ल’ सानग्रा जाबाय दानो दं दानो गैया जेबो थिख गैया ना बोथोरासो गावखौल’ सानग्रा जाखो ना मानसिफोरासो बोथोरजों सोमोन्दो गैयि जाखो। बोथोरा थांदों आरो थांदों आंहा लाइमोन बैसोआबो थांफादों हमथा हाला आं बुजिख’ हाला आं जा जादों जाबाय थाथोंसै आंहाबो मिथिंगानि इसारायावनो बोथोरनि खामानि बोथोरावनो थाब थाब मावना फोजोबनोसै।

खोमथा बर’ उदालगुरि

संसाराव मा सोलिदों

अबं गसायनिसो माया जाखोना सुबुंनि गाज्रि आखुनि फिथाइसो जाखो मा सम सफैखो जौंनि संसाराव गावजों गाव सुथुर नाथाय गुबुन गुबुनजों दावसा मावरिया, अबं गसायानो सोरजिहरखो ना सुबुंनि फाव फान्दायनायसो जाखो बहा थां'बावगोन बर' बिमाया? हादान सिफायनो नागारै गोजोन रायजो जानायाव सोरनि फाव फान्दायनायाव सिलिंखार खालामनो नाजाखो, राजखान्थिया सुबुंखौ फाफ्ला खालामबाय आरो खालामबाय हारि नासयनाय। संसाराव मा सोलिदों हरखाबै गावनि बेसेनगोसा जिउखौ खोमानांनाय हरखाबै गावनि मिजिंखौ थबस्त्र’ बस'नाय, सानथियै दं सोरगिदिंनि सुथुरासो आनान गसाइआबोदि माबायदि सोरजि हरथारखो मुलुग संसारखौ। आंगोनि अननायखौ नागारना गुबुनखौ बोजबनाय मा भाइरास सोमजिखो संसाराव, नासयनाय आरो नासयनाय आगाननि जायगायाव दंसै ब्रेव ब्रेव सु संसाराव मा सोलिदों। गावजों गाव सुथुरनि अनगा मुलुगाव जेबो गैला नामा हे अबंलावरि बबे जुगाव सफैखो, मिथिंगायाबो लासैनो आनज्रायनो सुलु लादोंसै मुलुगनिफ्राय। साननि दुंनायजों सोमजिदों मुलुगाव रानस्त्राव गोरान हाद्रि सम नंआमोन बेयो मेसेंनि, जुब जुब अखा हानायनिसो सममोन गायनाय फुनाय हालेवनायनिसो सममोन।।

मनिका गयारी गोदान देलहावसि, गहपुर

नोंखौ

नोंनि अन्नाय हास्थायनानै ओंखारनाय गोसोनि खबाम, खन्थाइफोरा गां रानानै बिरलाछे नोंनो फोरमायनो बाश्रा नागिरना आवोल नाछे।

नोंखौ गोसो थोनाय बिखा गुल्लुब गुल्लुब मावखाछे आंनि नोंखौ सेराव मोन्नो हां थोनो–थोनो जायो मोजां मोनो आं नोंखौनो बिखा–बिख्लोजों।

गलाप खुंगुर बसुमतारी, कक्राझार।

बिबार गावदां

मिथिंगाया समायना–आरो समायना नों मेगनाव गोनां हायनारि सिख्ला बेरस्त्रां मेगन गेलेयो नों सिखि सिख्ला जानानै मिथिंगाजों समायना नों आरो समायना नोंनि गुवार गोसो।

दैसा गाथोनआव ना गुरहैनाय गोसोनि रावजों मेथाइ रोजाब रोजाब मिथिंगायाबो लाजिदों खोमा ददरे सैनाय नोंनि गावदां समायना महरखौ नुनानै सिरि सिरि।

बिबारनिखुइबो समायनासिन बांबुरनिफ्रायबो रुइदोब माहिसिन नोंनि महराव सोमखे जोमैयाबो लाजिखुमादों अखा जानानै ज़ुम ज़ुम बाज़्रुमदों नोंजों फेर नांनो।

दै थरथिंनि सिनाय खानाय बिलाइ फावदुर खावलाय साजों बादेंगलायनाय लाउजें आसिजों मिनिजियै बिलिरनायाव बोदोर रजे आजोला गोसोआ आंनिबो सिरि सिरि।

गावदां अखाफोर खावलायाव मिनिनाय दिमपल नि फिथिखा सोरबा जोहोलावनि गोसोआ गाब्र'याखैदाबि नों समायना महर गोसा–बारफुनाय गेवलां बिबार गावदां।

गलाप खुंगुर बसुमतारी, कक्राझार।

माहाम देहानि राहा

थालिर जाखांनायनि उनाव माखासे
खामानिआ मुलाम्फानि सोलाचै खहा खालामो

सावस्त्रि गोनाडे थानो थाखाय सानफ्रोमबो फिथाइ-सामथाइ जानो बोसोन होनाय जायो। फिथाइ-सामथाइनि राजाया थाइजो जानो हागौ नाथाय थालिरआ मोनसे फिथाइ, जाय बर्यनिबो गोसोखौ गोजोन खालामो। मोनफ्रोमबो बोथोराव मोन्नो हानाय बे फिथाइनि बेसेना जोबोद बाडइ बेसेननि नाथाय मुलाम्फाजों बुंफबनाय। थालिरआव गोबां भिटांमिन, खनिज आरो गुबुन जाग्रा आदारफोरजों बुंफबनाय। सानफ्रोमबो थाइसे थालिर जानाया देहानि थाखाय गोबां मुलाम्फा होयो। जुदि देहाखौ गोखों खालामोनो लुबैयोब्ला थालिर जानो हायो। जुदि नोंथाड गावनि उदैखौ फिट लाखिनो लुबैयोब्ला, ब्लाड प्रसारखौ सामलायनो थाखाय थालिर जानो हायो। नाथाय बे गासैबो मुलाम्फाफोरा अब्ला आबुडै हमदांनो हायो, जेब्ला नोंथाड थि समाव आरो थार लामाजों थालिर जायो। थालिर जाखांनायनि उनाव माखासे हाबाफोरखौ खालामोब्ला माखासे गोरोन्थिफोरबो मोगा-मोगि जानो हागौ। बुंनाय जायोदि, फिथाइ-सामथाइ जाखांनायनि उनाव दसे समनि थाखाय गुबुन बेसादफोर जानायनिफ्राय गोजानाव थानांगौ। खायफाया जायखिजाया जाखांनायनि उनावनो दै लॉनाय हुदा थायो। जुदि बेबायदि खालामोब्ला नोंथाड बे हुदाखौ थाबैनो




सोलायनांगौ। जुनियायै थालिर जाखांनायनि उनाव गोबां समनि थाखाय दै लॉनायनिफ्राय गोजानाव थानांगौ। आयुर्वेदाव थालिर जाखांनायनि उनाव दै लॉनो नाड होन्ना बोसोन होनाय जायो मानोना थालिरआ हजम जानायाव गोबाव सम लायो। थालिर जाखांनायनि उनाव दै लोडोब्ला गेस, एसिडिटि, कनस्तेसन आरो उदै सनाय बायदि जेंनाफोर जानो हागौ। थालिर जानायनि उनावनो दै लोडोब्ला गुजुनाय आरो फ्तुबो जानो हागौ। बिदि खालामोब्ला माखासे सुबुंफोरनाव एलर्जिनि फिनजाथाय जानो हागौ। थालिर जाखांनायनि उनाव दै लॉनाया देहायाव इन्सुलिननि बिबांखौ बांहोयो जायनि जाहोनाव ब्लाड सुगारनि थाखोआ बांनो हागौ। फिथाइ जाखांनायनि से घन्टासो उनावसो दै लॉनांगौ। फिथाइ-सामथाइ जानायनि 1 घन्टानि उनावसो जायखिजाया लावलाव मुवाखौ जानांगौ। बे नेमआ गुबुन फिथाइफोरावबो बाहायजायो। बेनिखायनो बेयाव जुनिया गोसो होनांगौ। गायखेर एबा गायखेरनि दिहुनथायफोर जेरै-न थालिरजों लोगोसे गाइखेर आरो गाइखेर जानायनिफ्राय

गोजानाव थानांगौ मानोना बेयो जाग्रा खांथिखौ गोहोम खोख्लैयो। थालिरजों बेरे मोदै आरो घि जानायनिफ्राय गोजानाव थानोबो बोसोन होनाय जायो। थालिर आरो दावदैफोरखौ जयै जानो नाड मानोना बेयो गुसु आरो गुदुं समानथि गैयै खालामानाै देहानि खहा खालामोनो हागौ। आयुर्वेदआव मोनायाव थालिर जानायखौ थुलुंगा होनाय जायो। थालिरआ हजम जानो गोबाव सम लायो बेनिखायनो बेफोरखौ बेलासि एबा मोनायाव दाजा। थालिरनि आखुखौबो गुसु होन्ना मानिनाय जायो, बेनिखायनो बेफोरखौ मोनायाव जानाड। जाय सुबुंफोरनाव गुजुनायनि जेंना दं, बिसोर थालिर जानायनिफ्राय गोजानाव थानांगौ। खायफाया फुडव थालिर जानायजों गेस आरो एसिडिटि जानो हागौ। बेनिखायनो थालिर जानायनि बयनिखुइ साबसिन समखौ फुनि जानायनि उनाव एबा फुनि जानायजों लोगोसे जानांगौ होन्ना मानिनाय जायो।

बिनद खान्नानि देरसिन फिसाज्लाआ गोबां मोजां सावथुनफोराव खामानि मावदों, नाथाय स्टारडम मोननो हायाखै

हन्दी सावथुनाव गोबां स्टार किडफोर दं जाय गावसोरनि स्टार बिमा-बिफा बायदि फाव खालामनायनि मुलुगाव आगान होयो, नाथाय माखासे स्टारडम मोननो हाया। बिदिन्थि महरै, बिनद खान्नानि देरसिन फिसाज्लाआ गोबां मोजां सावथुनफोराव खामानि मावदों, नाथाय गावनि बिफा बिनद एबा फंबाय अक्षय खान्नानि स्टारडम मोननो हायाखैमोन। बिनद खान्नानि देरसिन फिसाज्ला राहुलआ सासे गाहाइ फावखुंगुर महरै गोबां सावथुनफोराव फाव खालामाखैमोन आरो बिथानि मुखव मोनसेबो हिट सावथुन गैयामोन, जेब्लानो बिथाडा फैसालियाव नुजादोंमोन, बिथानि दिन्थिफुंनायखौ बाख्यायनाय जादोंमोन। राहुल खान्नाया इं 1998 माइथायाव दिपा मेहतानि सावथुन 'अर्थ' जों गावनि आगान होजेनो, जाय बिथानि दिन्थिफुंनायनि थाखाय गोबां बाख्याजादोंमोन। बे सावथुना बयनिखुइ साबसिन गुबुन हादोरारि रावनि सावथुननि थाखाय अकादेमि बान्था थामहिनबा अस्कार बान्थाआवबो थान्दोंमोन। भारतआरि-कानाडानि सावथुनाव आमिर खान आरो नन्दिता दासआ गाहाइ बिफाव लादोंमोन। राहुल खान्नाया सावथुन 'अर्थ'आव हासननि महरै गावनि फावनि थाखाय साबसिन हौवा डेब्यनि फिल्मफेयर बान्था



देरहादोंमोन। बिनि उनाव, बिथाडा दीपा मेहतानि गुबुन मोनसे कानाडानि सावथुन 'बलीवुड/हलीवुड' आव नुजादोंमोन, जेराव लिसा रेआ बिथांजों लोगोसे फाव खालामदोंमोन। बिनि उनाव बिथाडा आमेरिकानि सावथुन 'द एम्परर्स क्लाब'आव फाव खालामदोंमोन। गासै महरै, राहुल खान्नाया हलिउडआव गावनि फावदिन्थिनायजों मोनसे जादु

नुजादोंमोन, जेराव लिसा रेआ बिथांजों लोगोसे फाव खालामदोंमोन। बिनि उनाव बिथाडा आमेरिकानि सावथुन 'द एम्परर्स क्लाब'आव फाव खालामदोंमोन। गासै महरै, राहुल खान्नाया हलिउडआव गावनि फावदिन्थिनायजों मोनसे जादु

एम्परर्स क्लाब'आव फाव खालामदोंमोन। गासै महरै, राहुल खान्नाया हलिउडआव गावनि फावदिन्थिनायजों मोनसे जादु

मुंदांखा फावखुंगुर अजय देभगाननि 'सन अफ सरदार 2' सावथुननि परस्टारखौ फोसावबाय

गिबि सावथुनआ ब्लकबास्टर जाफूसारनायनि उनाव, अजय देभगानआ फिन खेबसेबाव बयनिखुइबो नेजानाय सिक्वेल 'सन अफ सरदार 2' खौ लाबोफिनगासिनो, जाय थियेटरफोराव दोहौ सोमजिहोनो थियारि। भिजय कुमार एरोडाजों दिथाहोजानाय सन अफ सरदार 2 आव अजय देभगानआ जस्सीनि महरै फाव खालामफिननाय नुनो मोनो। बे सावथुना 25 जुलाइ, 2025 मायथाइयाव गिदिर फैसालियाव रिलिज जागोन। बे खेबाव सरदारआ सिगांनिखुइ बांसिन गोहोगोरा, सांग्रां आरो रंजाथाव स्टाइलआव फैफिनबाय। जिय'



स्टुडियज आरो देभगान फिल्मसजों दिन्थिफुंनाय सन अफ सरदार 2, देभगान फिल्मस आरो एस.अ.एस. 2 लिमिटेडनि मोनसे दिहुन्नाय। बे सावथुनखौ अजय देभगान आरो ज्यति देशपान्डेआ दिहुन्दों। दिहुनगिरिफोरा एन आर पचिसिया आरो प्रवीण तलरेजा,

आरो लोगो-दिहुनगिरिया कुमार मंगत पाठक। मख'जाथावदि, सन अफ सरदारखौ 2012 मायथाइयाव फोसावनाय जादोंमोन, जेराव अजय देभगान, मुकुल देव, सनाक्षी सिन्हा, सन्जय दत्त आरो जुही चावलाआ गोनं बिफावफोराव दंमोन। बे समावनो सन अफ

खालामदोंमोन। बिथाडा बलिउडनि गोबां सावथुनफोरावबो फाव खालामदोंमोन, जेराव इलान, रकीब, ताहान, दिल कबड्डी, लव आज कल, वेक अप सिड, फायरफ्लाइज आरो लस्ट दंमोन। राहुलआ सायख'जानाय सावथुनफोराव खामानि मावदोंमोनब्लाबो, जायफोरा बक्स अफिसआव बारा आरजिनो हायाखैमोन, नाथाय बेफोरो गोजौ थाखोनि सावथुनफोरनि गेजेराव मोनसे। बे सावथुनफोराव राहुलआ फिसा फिसा फावफोरजों बयनिबो गोसोखौ देरहानो हदोंमोन।

सरदार 2 नि सिक्वेलआ 25 जुलाइ, 2025 खालि सिनेमाहलफोराव नुजागोन मख'नो गोनान्दि, 2025 माइथायनि जागायजेन्नायाव अजय देभगाननि सावथुन 'आजाद'खौ अभिषेक कापुरआ दिथा होदोंमोन, जाय रबीना टन्डननि फिसाजो रशा टन्डन आरो अजय देभगाननि बियादै अमन देभगाननि फाव दिन्थिनायाव आगान होजेन्दोंमोन। सावथुनाव डायना पेंटी, महित मालिक आरो पीयूष मेहरा बायदि रोजाबगिरिफोराबो नुजाथिदोंमोन। बे सावथुना बक्स अफिसआव फलप जादोंमोन।

करियान काल्वारेल सेन्टार इन्डिया (केसिसिआइ)खौ 19 जुलाइआव गोदान दिल्लीयाव खुंगोन

करियान हरिमुयारि मिरु भारत (के सिसिआइ) दुलाराय भारतयारि के-पप बादायलायनाया 2025 माइथायावनि बे गोलोम बोथोराव दुंहाव थासारिया बारायदों, जाय 14 मेनिफ्राय जागायनानै 19 जुलाइआव गोदान दिल्लीयाव हाइ-एनार्जी ग्रेन फिनलेजों लोगोसे जोबगोन। आथिखालाव बेनि 15 थि बोसोरसालिया हाबाफारि खुंनाै, बादायलायनाया मोनसे गोसो गुदुं महरखौ दाजाबदेरदों, जाय गिबि खेबनि थाखाय रेप थाखोयाव आगान होजेन्नाय। बेयाव हाबाफारियाव बादायारिफोरा मोन्थाम थाखोयाव बादायलायनो हागोन, जेरै



मोसानाय, गांरं आरो रेप। बेयाव भारतयारि अन्साइगिरि आरो महरगिरिफोरनि गेजेराव के-पप रेपनि गोबां मुंदांखा प्लेटफर्मखौ गुवार रेन्जआव बेखेवगोन।

बादायलाया अनलाइन, ओन्सोलारि आरो ग्रेन्ड फिनले मोन्थाम बाहागोयाव जागोन। अनलाइन राउन्डआ 14 मेनिफ्राय 7 जुनसिम सोलिदोंमोन आरो

गासै भारतनिफ्राय 1,278 हान्जाफोरा रेबथुमदोंमोन। बेनि उनाव ओन्सोलारि गिबि राउन्डआ 22 जुनआव चेन्नाइआव खुंजायो।

‘अनसुनी चिंखे’ आ साबसिन एशियान सुंद’ सावथुन बान्था मोन्न्जो हादों



डा. पार्थसारथी महन्त, आइपीएसआ लिरनाय आरो दिथाहोनाय मोनसे सुंद' सावथुन 'अनसुनी चिंखे' आ मानगोनं कलिउड हादर गेजेरारि सावथुन फोर्बोआव साबसिन एशियान सुंद' सावथुन बान्था देरहादों,

जाय चेन्नाइआव खुंजादोंमोन। बे सावथुनखौ डा. महन्तआ गावनो लिरनाय दोंसे गोसो बोनो हानाय खन्थाइनि सायाव बिथा खालामजानाय। बेवहाय हायु'आरि बान्था मोनगिरि फावखुंघि सीमा बिस्वासजों

दिन्थिफुंनाय मोनसे गोसो बोनो हाथाव सलिल'की दड, जायनि गोसोआरि दिन्थिफुंनाया मख'जाथाव बाख्यायनाय मोन्दों। मीना महन्त आरो इन्द्राणी बरुआजों लोगोसे दिहुनजानाय सावथुना जयपुर

सावथुन फोर्बो, दिल्ली सावथुन फोर्बो आरो उदां सावथुन फोर्बो कलकातायाव साबसिन सुंद' सावथुन बान्था मोन्नो हानानै सिनायथि मोन्नो हाबाय। गावनि गेजेर हायु'आरि थाथायखौ दावगहोनानै अनसुनी चिंखेखौ फ्रान्सनि कानआव मुंदांखा मार्चें डु फिल्मवावबो दिन्थिफुंनाय जादोंमोन। मोनसे भारतरि सुंद' सावथुननि थाखाय मख'जाथाव बाख्यायनाय। बेनि खन्थाइयारि सल'बाथा, बाडायसिन फाव खालामनाय आरो सोमोनांथाव नुथायफोरनि जथायनायजों, अनसुनी चिंखेखौ भारतिन उदां गुसुं सावथुन नुथायाव मोनसे माइल खुन्थिया महरै फालिनाय जादों।

भारतनि दिहुन्नाय गिबिसिन हरर सावथुनआ बाजेटनि 10 गुण बांसिन रां आर्जिदोंमोन

आथिखालाव हिन्दी सावथुन एबा खोला भारतनि सावथुनआनो जा हरर सावथुननि अन्सायनाया जेरावबो दंसै। बक्स अफिसआव हरर सावथुनफोरनि गोहोमआ दिन्थियोदि, नायगिरिफोरा बेखौ बेसेबां मोजां मोनो। नोंथाडा भुल भुलैयाखौ नुबाय जानांगौ, 1920 आव नुदों एबा आइजोखौ बेबादि गिथावना सावथुनफोर नुबाय जानांगौ, जाय बक्स अफिसआव मोनसे मोजां नटबो सेबखांदोंमोन। नाथाय नोंथाडा मिथियोना भारतनि गिबि गिथावना सावथुनआ माब्ला जागायदोंमोन। आथिखालनि समाव गिथावना सावथुनफोरनि अन्सायनाया मख'जाथाव



बांदों। जुदि नोंथाडा बावैसोनि सावथुनफोरखौ नायोब्ला आथिखालाव बानायगिरिफोरा हरर सावथुनफोराव फेस्तानि फाव मोनसे दाजाबदेन्दों, जाय बै सुबुंफोरखौबो गोसो बोनो हायो। जायफोरा गिथावना सावथुन नायनायनिफ्राय गोजानाव थायो। नाथाय जेब्ला भारतनि गिबि हरर सावथुनआ रिलिज जादोंमोन, अब्ला बैयाव जेबो फेस्ता

जाहोन गैयामोन। बे सावथुननि मोनप्रोमबो नुथाया नायगिरिफोराखौ सोमोनांहोदोंमोन। सल', नुथाय, आखुफोर आरो मेथाइफोर गासैबो अन-ट्रेकमोन। भारतनि गिबि हरर सावथुननि मुख महल। कमल अमरहीजों बिथोन होजानाय महलखौ इं 1949 माइथायाव फोसावनाय जादोंमोन। 2 घन्टा 45 मिनिटनि बे गिखंथाव सावथुनआव अशक

कुमार, खुबसुरत अदाकारा मधुबाला, एम कुमार, कन्ड राय आरो लीला पान्डे बायदि फावखुंगुरफोरा गोनं बिफानफोराव दडमोन। बम्बे टकीजनि बेनारआव बे सावथुनआ बै समनि बयनिखुइबो बेसेन गोसासिन सावथुनफोरनि गेजेराव मोनसेमोन। बेसेन गोसा स्टार कास्ट, समायना सेटफोरजों राजमहलनि मोनफ्रोमबो नुथाया जोबोद गुवारै फोरमायनायजों सावथुननि सेबखांनाया कमल अमरहीजों खालाम जादोंमोन। सुलु'नि बादिब्ला, बै समाव सावथुनखौ 9 लाख राडाव बानायदोंमोन, जायनि बेसेनआ दिनै 15 कौटि रानिबो बांसिन।

